

عزيزي الأب/الأم/القائم بالرعاية،

الموضوع: دليل التطور المبكر الأسترالي

مدرستنا مشاركة في عمل وطني لجمع معلومات عن التطور المبكر للأطفال الصغار. والعمل ده اسمو دليل التطور المبكر الأسترالي. الحكومة الأسترالية خصصت 15.9 مليون دولار لتعميم دليل التطور المبكر في أستراليا كلها، والشغل ده قايمين بيهو ناس مركز صحة الطفل المجتمعي (في المستشفى الملكي للأطفال في ملبورن ومركز البحوث الرئيسي التابع لمركز مردوخ لأبحاث الأطفال (Murdoch Children's Research Centre)، بشراكة مع معهد تيليثون لأبحاث صحة الطفل (Telethon Institute for Child Health Research) في بيرث.

دليل التطور المبكر الأسترالي عبارة عن قائمة فيها أكثر من 100 سؤال. والقائمة دي بملاها مدرس طفلك. والقائمة بتاعت الدليل ده بتهم بخمسة جوانب لتطور الطفل:

- الصحة الجسدية وسعادة الطفل
- الاندماج في المجتمع
- النضوج العاطفي
- المهارات اللغوية ومهارات الإدراك، و
- مهارات التواصل والمعرفة العامة

الأهداف من جمع المعلومات هي:

- مساعدة الجاليات والمجتمعات أنهم يفهمو طريقة تطور أطفالهم لمن يصلو عمر المدرسة
- مساعدة المدارس والوكالات المحلية والمختصين بالطفولة المبكرة عشان يتعاونو ويشتغلو سوا عشان يحسنو النتائج لفائدة كل الأطفال في المجتمع.

القائمة دي بملاها مدرس طفلك في _____ . وطفلك ما يكون محتاج يطلع برة الفصل عشان القائمة. لا إنت و لا طفلك بتحتاجو تعملو أي شيء.

وبعد دالك ح يكون في ملخص بتاع تحليل القائمة متوفر لأفراد المجتمع شامل مجموعات الأطفال كلهم، عشان كده مافي زول بقدر يعرف طفلك من بينهم.

البيانات ممكن يجمعوها مع معلومات من منظمات تانية عشان يكون في فهم أحسن لأحسن طريقة شغل للبرامج والسياسات بتاعت الأطفال الصغار. وحسب قوانين الخصوصية الحالية، مافي زول مسموح ليهو يعرف بيانات طفلك.

لو دايرين معلومات زيادة عن دليل التطور المبكر الأسترالي، أدخلو موقع الانترنت (www.aedi.org.au) أو اتصلو بمركز الدعم الوطني بتاع دليل التطور المبكر الأسترالي في المستشفى الملكي للأطفال في ملبورن على الرقم 1300558422 أو اتصلو بالمدرسة.

لو مادايرين معلومات طفلكم يجمعوها، الرجاء الاتصال بالمدرسة.

دي فرصة كويسة شديد للأباء والأمهات والمدارس والوكالات التانية عشان يتعاونو ويشتغلو سوا لمصلحة أطفالنا. شكراً ليكم على دعمكم لدليل التطور المبكر الأسترالي.

مدير المدرسة

Sudanese